



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo & Archid. Tranensi.

urn:nbn:de:hbz:466:1-20006

10 Epistola-um Innocentij III.

lud eligendi. Vnde fraternitati vestrae per apostolica scripta mandamus, quatenus ad hoc diligenti sollicitudine laboreris, ut dictus intrusus à memorata removeatur Ecclesia, & ab ipsius Capitulo electio possit in ea canonica libere celebrari. Datum Laterani V. Id. Februarij.

ILLVSTRI ROMANORVM Imperatrici semper Augustae.

Epist. 18. Vt in ipsa electione impedimentum non praestet.

SI creditas tibi regendorum populorum habenas laudabiliter moderari desideras, & concessam tibi à Domino terrenae jurisdictionis potentiam benignius exercere, ei necesse habes ut servias, cui servire regnare est, & per quem gressus tui semper in melius dirigentur. Verum si eum tota intentione dilexeris, eam te oportet sollicitè venerari & conservare in statum debitae libertatis, sub cuius capite lava ejus, & quam dextera ejus (sicut in Canticis legitur) amplexatur, cuius zelus comedit eum, & injuria non modicum provocat ad vindictam. Cum autem ex illo singularis excellentiae privilegio &c. *ferè in eundem modum ut supra usque ad verbum eligendi.* Ideoque serenitatem tuam rogamus, moneamus, & exhortamur in Domino, ac in remissionem tibi injungimus peccatorum, quatenus nullius impedimenti obstaculum interponas, quò minus electionem possint canonicam celebrare, cum ad eum solum haberi debeat in electione respectus, cuius ministerio qui assumitur, alligatur. Datum Laterani V. Idus Februarij.

PARISIEN. EPISCOPO.

Epist. 19. Vt liceat Presbytero Michaëli in sacerdotij officio ministrare, non obstant, quòd ad evitandum lepra periculum, virilia sibi fecit abscindi. C. Ex parte. De corpore vitiat.

EX parte dilecti filij Michaëlis Presbyteri fuit in audientia nostra propositum, quòd cum sibi sentiret lepra periculum imminere, de consilio medici virilia sibi fecit abscindi, ut posset à tam gravis infirmitatis vitio liberari, & ut provideremus ei super executione sui officij, à nobis humiliter postulavit. Quoniam igitur canones sanctorum patrum hujusmodi à sacri altaris administratione non prohibent, fraternitati tuae per apostolica scripta mandamus, quatenus, si rei veritas ita se habet, & memoratus Michaëli aliàs idoneus est, ut sui officij ministerium exequatur, nullius contradictione vel appellatione obstante, auctoritate fretus apostolica liberam ei tri-

buas facultatem. Datum Laterani iv. Idus Februarij.

EPISCOPO ET ABBATI S. Lupi Trecentis.

Accedens ad praesentiam nostram G. Presbyter lator praesentium tam relatione sua, quam literis quorundam Abbatum, nostro apostolatu demonstravit, quòd cum inter ipsum & quendam alium Clericum quaestio verteretur, & idem Clericus adversarius suus ad diem assignatam sibi ad praesentiam iudicum properaret, & fuisset in itinere interemptus, venerabilis frater noster Senonen. Archiepiscopus habens eundem Presbyterum suspectum super occisione Clerici memorati, licet contra illum nullus apparuerit legitimus accusator, & ipse paratus esset canonicè suam innocentiam demonstrare, in eum tamen suspensionis officij sententiam promulgavit. Quoniam igitur, sicut justum non est ut culpabiles absolvantur, sic esset à juris tramite alienum, si puniret iudicij severitas innocentes, discretioni vestrae praesentium auctoritate mandamus, quatenus si contra praedictum Presbyterum super homicidio legitimus non comparuerit accusator, & crimen notorium non existit, vos ab eo canonica purgatione recepta, latam in eum suspensionis sententiam de auctoritate sedis apostolicae relaxetis, nec permittatis eum super praedicto homicidio ulterius indebitè molestari. Si verò de homicidio confessus fuerit legitime vel convictus, vos ei, sublato contradictionis & appellationis obstaculo, poenam canonicam infligatis. Quòd si ambo, tu frater Episcopè &c. Datum Laterani iv. Non. Februarij.

ARCHIEPISCOPO & Archid. Tranenfi.

Significantibus dilectis filiis Vestanen. Canonicis, nostris est auribus intimatum quòd cum Vestanen. Episcopus fuisset olim ab ipsis in praesentia Celestini bonae memoriae praedecessoris nostri super ecclesiastica dilapidatione conventus, & de causa ipsa extirisset plurimum disceptatum, ad transactionem de utriusque partis assensu postmodum venientes, promisit dictus Episcopus thesaurum Ecclesiae, videlicet capellam episcopalem quinquaginta uncias

Epist. 20. Vt recepta à G. Presbyter. canonica purgatione de crimine homicidij sibi obiecto, ipsum absolvat, si legitimus accusator non comparuerit, & crimen notorium non existit.

Epist. 21. Super transactione habita inter Episcopum & Canonicos Vestanenses, de quadam episcopali capella, & rebus aliis.

auri & ampliùs valentem, & pannos sericos octo, cum privilegio ecclesiasticę libertatis restituere, & quędam alia adimplere; sicut in authentico scripto in pręsentia prędicti prędecessoris nostri exinde confecto, & auctoritate sedis apostolicę confirmato, plenius continetur. Quam transactionem non curavit prędictus Episcopus postmodum observare, nec pręfatum thesaurum, sicut promiserat, restituere; immo deteriora prioribus agens, duas Ecclesias sancti Iohannis & sancti Iacobi, quas dilectus filius Petrus Vestanehsis Archidiaconus diù in pace possederat, contra tenorem prędictę transactionis monasterio Trimitan. dicitur concessisse, & Clericos suos officii & beneficiis, prętermisso juris ordine, spoliasse, manibus in eos sæpe violenter injectis. Cùmque hæc & alia à prędicto Archidiacono coram dilecto filio P. sanctę Marię in via lata Diacono Cardinale, tunc apostolicę sedis Legato, proposita fuissent contra Episcopum memoratum, & in ejus pręsentia utraque parte pręsentem causa diutius agitata, ad hanc transactionem voluntarię devenerunt, ut Vestan. Episcopus ante omnia primam transactionem apud sedem apostolicam factam studeret modis omnibus observare, & thesaurum memoratum Ecclesię suę restituere non differret, prędictasque Ecclesias Trimitanensibus injustę concessas vel ipse revocaret, vel Archidiacono prędicto ad eas daret consilium & auxilium revocandas. Res etiam sancti Nicolai idem Episcopus B. Primicerio & L. sacerdoti dimitteret de cetero procurare, & quartam decimationum fabricis Ecclesię deputatam suis usibus de cetero minimę applicaret. Quę si non faceret, foret dictus Episcopus divino officio alienus; prout in instrumento coram eodem Cardinale confecto apertius continetur. Cùm autem nec primam nec secundam transactionem minimę pręfatum Episcopum observare memorato prędecessori nostro ipsi Canonici intimassent, addentes etiam quod in cęna Domini Ecclesia Vestanen. dimissa ad Sipontinensem Ecclesiam se ad conficiendum chrisma transfulerat, & ibidem illud existente secum in altari Lavellen. Episcopo tunc excommunicato confecerat, eum antedictus prędecessor noster pontificali officio & ec-

clesiastica administratione suspēdit; dans ei firmiter in mandatis, ut in festo sancti Lucę pręteriti anni se suspensum suo conspectui pręsentaret, super prędictis criminibus plenarię responsurum. Quod si non faceret, sciret in se perpetuę depositionis sententiam proculdubio proferendam. Episcopus siquidem mandatum apostolicum vilipendens, nec venit, nec pro se curavit mittere responsalem, suspensionem apostolicam & prędicti Cardinalis interdictum contemnens penitus observare. Proponitur insuper Episcopus memoratus de Clericis in curia imperiali deposuisse querelas, & contra sæpedictum Archidiaconum falsas literas confinxisse, occasione quarum ipsum archidiaconatus beneficio & loco nequiter multo tempore spoliavit. Quoniam igitur hæc non sunt à nobis clausis oculis transeunda, prędictorum inquisitionem vestrę discretionis examini duximus committendam; per apostolica vobis scripta mandantes, quatenus vocatis ad pręsentiam vestram qui fuerint evocandi, inquiratis de pręmissis diligentius veritatem, & omnia in scriptis fideliter redigentes, nobis eadem vestris signata sigillis mittere non tardetis. Datum Laterani.

MEDIOL. ARCHIEPISC.

Pastoralis officij debitum nos invitat, & ipse rationis ordo deposcit, ut ea sollicitudine utilitatibus Ecclesiarum intendere debeamus, quod ipsis Ecclesiis ordo debitus conservetur, & Clerici earum ministerio deputati, sicut ab eis stipendia militię clericalis accipiunt, ita eis obsequia militię clericalis impendant. Inde est quod, sicut ex tenore tuarum literarum accepimus, Mediolanensis Ecclesia tam in capite quàm in membris, occasione Clericorum illorum qui ab ipso Romano Pontifice ordinem receperunt, adeo est ministrorum solatio destituta, ut paucos Clericos in eadem Ecclesia vales invenire, quos ad diaconatus & presbyteratus possis officium promovere. Verum quia fraternitas tua suppliciter à nobis expetit ut ipsius Ecclesię necessitatem sollicitudine paterna pensantes, tibi deberemus licentiam indulgere manus posse illis ordinationis imponere; super hoc tuę fraternitati taliter duximus respondendum, quod ipsius Ecclesię

Epist. 12.
Ut liceat ei illos in Ecclesia sua ad diaconatum & sacerdotium promovete, qui à Summo Pontifice ordinem susceperunt.